



7.060



اعانه قوميسيون عالي عسکري سٽ معاملات  
داخليه سٽي معرف نظامنامه در

مطبعة عسكرية

4:17.9

7-060





— ❧ — اعانه قوميسيون عاليء عسكر يسنك ❧ —  
 — ❧ — معاملات داخله سني معرف نظامنامه در ❧ —



### ❧ اعانه بحثي ❧

برنجي .اده اعانه قوميسيون عاليء عسكر يسي بعض مصائب  
 ايله خسار ديده اولان بري و بحري بالعموم عساكر شاهانه  
 ارکان و امرا و ضابطانيله مأمورين و کتبه و منسوين عسکريه  
 دوجار اولدقلري خسارک درجه سنه کوره نقداً اعانه ايتک  
 و مجدداً و تعميراً بنا يادي رانلر ايله تأهل ايله جک اولان و بعض  
 احتياجات ضروريه بيه بناء محتاج معاونت قالانله يوزده اتی اسقو -  
 نطه ايله آنچه اقراض ايلامک کبی ايکی وظیفه ايله مکلفدر .

ایکنجی ماده معاذالله تعالی در سعادته ظهور ایده جک  
بر حریقده محترق اولان خانه لر میاننده بری و بحری عساکر  
شاهانه ارکان و امرا و ضابطانیله مأمورین و کتبه و منسویین  
عسکریه خانه سی و ارایسه محل حریقده بولنان مرکز و یا جهت  
ویا خود موقع قوماندانلری طرفدن اطرافیه بالتحقیق قومیسونه  
ویریه جک ژوزنال اوزرینه قومیسونجه حریقزده نک دوچار  
اولدینی خسارک دره جه سی لایقوله تدقیق اولنه رق حاصل اوله -  
حق نتیجه و مصابک کوردیکی خسارک دره جه سنه کوره بعض  
لوازم یتیه تدارکی ایچون صرفی مقتضی مبلغ مقداری در حال  
قرارلشدیریلوب بامضبطه عتبه سنیه ملوکانه یه عرض اوله جقدر .  
اگر مصاب اولان ذات بر خانه استکراسیله اورایه نقل ایدرایسه  
اول خانه نک یالکز بر ایلق کراسی اعانه قومیسون طرفدن  
تسویه ایدیه جکدر بناء علیه بوراسیده مضبطه یه درج اولنور  
وطرف اشرف جناب جهانبایدن هر نه صورتله اراده سنیه  
شرقتلق ایلرایسه اکا کوره ایجابی ایفا اولنور .

اوچنجی ماده طشرده بولنان بری و بحری ارکان و امرا  
و ضابطان عساکر شاهانه ایله مأمورین و کتبه و منسویین عسکریه -  
دن خدانکرده حریق و سیلاب و زلزله دن وافات سائرده دن



مصاب اولئر بولندينى حالده كوردكلرى خسار ك دره جه سى  
اردولرى مشيريت وقوماندانقلرى معرفتيله بالاطراف تحقيق  
ايله شايان اعانه اولدقلرى مشيريت وقوماندانقلرى جانبندن  
باتلغراف قوميسيون رئيس ثانيلىكنه اشعار اولندينى وبواشعارده  
موجب استشعار برنقصان كورلمديكى حالده خسار ديده يه  
ويريله جك مبلغك مقدارى قوميسيونجه بالمذاكره قرارلشد -  
يريله رق نتيجه قرار بامضبطة عرض عتبه عليا قنلور .

شرقتعلق ايده جك اراده سنيه جناب تاجدارى اوزرينه  
مبلغ مقرر باپوليچه وياخود باپوسته خسار ديده نك منسوب  
اولدينى اردومشيريت وياقوماندانلغنه وبجريه دن ايسه قومودور-  
لغنه ارسال اولنوروياخود اچقه نك دردست ارسال اولدينى بيانيله  
مبلغ مقرر اورايه واصل اولنجه يه قدر خسار ديده يه برحد  
دائرة سنده بعض اشيا مبايعه سى باتلغراف اشعار ايديلور ومشيريت  
وقوماندان وياقومودورلقجه اعانه مرقومه برهيت رسميه  
مواجهه سنده مصابه اعضا اولنه رق اله جق مقبوض سندی  
او هيتي تشكيل ايدن ذوات جانبندن بامضبطة تصديق اولندقدن  
سكره مشيريت وقوماندانلق وقومودورلغك انهاسيله همان  
وسرياً قوميسيونه كوندريلور .

دردنجی ماده مصائب ایچون عدد وانواع تعیین اولنه من  
ایسه ده مصیبت نوعه و مصائب رتبه سنه کوره درجه تعیینی ممکن  
اوله بیله رک اولنه حق اعانه نک مقدازی دخی شوامکان و اعتباره  
نظراً تعیین و تحدید قلنور .

بشنجی ماده بواغانه بری و بحری ارکان وامرا و ضابطان  
و مأمورین و کتبه و منسویین عسکریه نک حضور لرینه منحصر  
اولیوب غیابلری حاله دخی شامل اولدیغندن مأموراً طشرده  
بولتان برذاتک مقر اصلیسند ترک ایتدیکی عائله سنجده برکونه  
خسار واقع اولور ایسه اول ذاتک غیابنده کوردیکی خسارک  
درجه سنه و کندوسنک رتبه سنه کوره عائله سنه اعانه قلنور .

التنجی ماده اعانه اعطاسی محترق و یامهدم اولان خانه -  
لردن مجرد حوایج ضروریه دن اوله رق دروننده اسکان ایدیلان  
مسکنلره عائده و منحصر اولوب ایزاد و عقار اتخاذا و لنش اولان  
دکان و اماکنه و سائریه شامل دکلدر .

{ اقراض بحثی }

بدنجی ماده هر رتبه اصحابیه اقراض ایدیله جک مبلغک

نظامنامه اصلینک اوننجی ماده سیه تعیین و تحدید اولنان غایت  
مقداری تنسیق معاشات قرارنامه سنک هررتبه و مأموریت  
ایچون تعیین ایتدیکی معاش مقدارینه تابعدر .

سکزنجی ماده صندوق اچہ استقراضی خانه انشاسی  
وازدواج و سائر بوکی فوق المقداد اولان احتیاجاته متوقف  
و منحصر در .

طقوزنجی ماده صندوق اچہ استقراض ایتک ایستہین  
ذات در سعادتده ایسه احوال خاضره احتیاجیه سنی مشعر براستند  
عای نظامی ایله سلسله مراتب قاعده سنہ توفیقاً منسوب اولدینی  
مقامه مراجعت ایلر اوراچه یوقلمه سندن مستدعینک قیدی  
اخراج و محاسبه سندن بر طرفه سپارش اولدینی و یا معاشی بااعلام  
محجوز بولمیدینی بیان اولندقدن صکره صحیحاً افاده سی کی احتیاجی  
اولدینی دخی آمری طرفندن تصدیق اولنوبده ارتق قیدنده  
و محاسبه جه مقید اولان سپارشنده و معاشنک محجوز اولمیدیغده  
وامتدعاسی وجهله اجتیاچنده بر نقصان و تردده محل قالمیدینی  
حالده اشبو استدعا مستدعینک منسوب اولدینی مقامدن باتذکره  
رسمیه قومیسو نه ارسال قلمور قومیسونجه دخی استدعای مزبور

اون درنجی ماده صندوقن اچہ استقراض ایدن ذواتک  
تخصیص ایدہ جکری سپارش معاشاتک هیچ بر سبب و بهانه ایلہ  
تأخیر و تداخل ایتدی رلامسی و نظامنامہ اساسیدہ مبلغ مستقرضک  
تأدیہ سیچون تعیین و تحدید قلنان مدتک تجاوز ایتسنہ سییت  
ویرلامسی مادهسی دوائر خزینہ لرنبہ هر زمان نظر دقت و اہمیتدہ  
طوتیلہ جقدر .

اون بشنجی ماده معاشک ربعدن زیاده سنی بشقہ بر محلہ  
سپارش ایتس اولئر ایلہ معاشلری با اعلام محجوز بولنلر سپار  
شلیخی حد لازمنہ تنزیل ایدنجہ قدر قطع و دینلریخی تأدیہ  
ایتمدکجہ صندوقن استقراض ایدہ مزلر .

### { معاملات بحثی }

اون التنجی ماده قومیسئون هیئتک اکثریتی حاضر  
اولمدچہ صندوق آچیلہ مز و صندوق انتخابی رئیس ثانی یدندہ  
بولنلق لازم اولدیفی کبی اعضادن ایکی ذات طرفدن دخی قاعدہ  
معلومہ دائرہ سندہ صندوق مہر لئسی الزم و بناء علیہ حین  
حاجتدہ صندوق شواوچ ذات حضورہ اچلمسی شرطدر .

اون یدنجی ماده    صندیگک دروننده کی اچهنک جنس  
ومقدارینی معرف نظامی دائره سنده تنظیمی اقتضا ایدن صندوق  
دفترینک علی الدوام صندیگک دروننده بولندیرلمسی لابدر .

اون سکنجی ماده    صندیگک وقوعات یومیه سنی معرف  
قومیسون نزدنده فن اصول دفتری قاعده سنجه بریومیه دفتری  
طوتیه جنی کی اقسام مصارفی مشعر برده دفتر کیر طوتیه جق  
ومقدار اقراضات ایله مستقر ضلک اسامیسنی مبین اقتضاسی قدر  
معاونه واراده سنی جناب تاجداری ایله بعض وقوعات قید و ضبط  
ایچون برده جریده دفتری بولنه جقدر .

اون طقوزنجی ماده    هر آی نهایتده صندیگک واردات  
ومصارفاتی موازنه سنی مبین برزورنال وهر سینه غایه سنده دخی  
بروجه مفردات برقطعه اجمال حضور کرامت نشور حضرت  
شهریاری به عرض وتقدیم قلنور .

یکرمنجی ماده    معین اولان نظام دائره سنده کرک اعانه  
وکرک اقراض ایچون صرفی لازمکلان اچهنی قومیسون قرار -  
لشدیروبدنه بوقرارینی مضبطه تحتته المدجقه وصرفی استحصال  
اراده سنی جناب پادشاهی به معلق اولان اچهنی ایچون بالاستیدان

اراده سینه سنی استحصال ایله مدجکجه صندوقن پاره چیقاریله مز .

یکرمی برنجی ماده    یکرمنجی ماده ده بیان اولنان اصول  
دائرهنده صندوقن چیقاریله حق مبلغ ایچون قومیسون جانبندن  
تنظیم اولنه حق مضبطه یه مستقرض ویا مستعین طرفندن اصولاً  
اعطاسی اقتضا ایدن ممهور و مصدق مقبوض سندى ربط ایله  
حفظ اولنه رق مقابلنده اول مبلغك صندوقن اعطاسی ایچون  
برقطعه صرف سندى بالاملا مستقرض ویا مستعین یدینه  
ویریلور واشبو سند ایله انلرده پاره لریخی صندوقن آلورلر واکر  
مستقرض ویا مستعین طشرده ایسه محلدن بعده کوندره جکی  
مقبوض سندى کلدیکی زمان قومیسون مضبطه سنه ربط ایدیلور  
فقط صرف سندى اوزرینه قاچ نومرو وضع اولنمش ایسه انك  
مابه الاساسی اولوب یکدیگرینه مربوط مضبطه و مقبوض سندى  
اوزرینه ده عین نومرو و یومیه دفترنده کی وقوعات تاریخی قونیلور  
مستقرض ویا مستعین یدینه ویریه جك مارالذکر صرف سندلری  
قومیسونجه صورت مخصوصه ده ترتیب و انخاذا ایدیه جك  
مطبوع و قوجانی ورقه لره یازیه جقدر .

یکرمی ایکنجی ماده    هر سنه نهایتده اون طقوزنجی ماده ده

بیان اولندیغی وجهله صندیغك موازنه اجمالی یاپلدیغی کبی  
 صندیغه ویریلان یومیه صرف سندلری دخی استرداد اولنه رق  
 یرینه برقطعه مجمل صرف سندی ویریلور واسترداد اولنان یومیه  
 صرف سندلری قالین یازی ایله ویاخود بیوک بر بطلال مهریله ابطال  
 تمهیر اولندقدن صکره مابه الاساسلری اولوب قومیسینده محفوظ  
 بولسان مضبطه لره ربط ایدیلهرک اول سنه نك کافه مضابطی  
 برپاكت شکله قونیلوب اوزرینه ( فلان سنه نك مصرف بطلالری )  
 دیو یازیلور واوزرندن ایکی سنه کچوبده ارتق معاملاتی ختام  
 بولان دفتر ایله مباحوث عنه اولان بطلالر بر صندیغه وضع ایله  
 قومیسین اعضالری طرفدن بالتمهیر دائره عسکریه محاسبات  
 دائره سنك محزن اوراق شعبه سنه تسلیم اولنور .

یکرمی اوچنجی ماده    صندوقن استقراض ایدنلرک منسوب  
 اولدقلری دوائر وزنه لرندن مخصوص سپارش معاشرلیله بورجلری  
 اودندکده ارتق مستقرض ذمتنده صندیغك اله جفی قالمدیغی مین  
 قومیسین طرفدن مستقرض یدینه ممهور برقطعه ابراسندی  
 ویریلور .

یکرمی دردنجی ماده    قومیسینك کافه مخبراتی حاوی

تذاکرو محررات وتلغرافنامه لر قومیسونه مخصوص تمغالی کاغذ لره  
یازیله جقدر .

یکرمی بشنجی ماده    اتیا ظهور ایدہ جک وقوعا تدن اشبو  
نظامنامه موادینک محیط اولہ مدینی مصالح ایچون یکیدن برقرار  
اتخاذی اقتضا ایلدیکی ویا حسب الایجاب مواد موجوده دن برینک  
تعذیلی لازم کلمدیکی جالده اول امرده قومیسونجه کیفیت تذکر  
ایله ویریلہ جک قرار بامضبطه عرض عتبہ علیا قلنہ رق شرفتعلق  
ایدہ جک ارادہ سنیہ جناب پادشاهی اوزرینه قرار واقع اشبو  
نظامنامه یه ذیل ایدیلور .

یکرمی التتجی ماده    قومیسون عالینک علی الدوام ایدہ -  
جکی اعانات نقدیہ به بعض محتاجینه ایدیلہ جک اقراضدن حاصل  
اولہ حق یوزده التي اسقونطه کافل اولہ میه جغندن بومقصد عالی بی  
تعقیب ایله مصائبیدکانی نعمت اعانه دن هر دم مستفید ایتک اوزره  
سرمایه اصلینک توفیری ایچون قومیسونک وضعیت عالیہ سنہ  
مناسب وجسبان تدابیر سائرہ اتخاذی دخی تفکرله عتبہ علیادن  
بالاستیذان شرفتعلق بیوریلہ حق ارادہ سنیہ پادشاهی به کوره  
ایجاب حاله تشبہ اولنه جقدر

فی ۲۳ رمضان سنہ ۱۳۰۷ و ۳۰ نیشان سنہ ۱۳۰۶





